

增補

出青新集

一
函
八
冊
函

齊平私藏

PDG

憑山閣增輯留青新集卷之十八目次

筮仕要規

候選

新任預諭衙役單式

論帖式

牌式

諭帖封筒式

寫諭帖式

稟帖式

起馬牌式

附祭儀門祝文式

附祭城隍祝文式

六房須知

入境

謁見

公座

堂規大略

開印繳憑

稟帖式

繳文憑式

交盤

交盤冊式

視學

僉押

看監

錢糧

納櫃事宜

錢糧征比法

交際

學校

土司

吏役

詞訟

緝盜

人命

審理

吏房之弊

戶糧房之弊

禮房之弊

兵房之弊

刑房之弊

工房之弊

供招房之弊

庫吏書之弊

各房通弊

臨政仕宜

題奏辯體

咨移辯體

詳文辯體

告示辯體

稟帖辯體

看審辯體

批駁辯體

六部律眼

日次終

憑山閣增輯留青新集卷十八

西泠陳

枚簡侯選

男

德裕子厚增輯

錢塘馬

銓遵素訂

休邑朱從儀慎威叅閱

筮仕要規

候選

一初選出在京時有應具書啓預通同僚者有應具稟帖同履歷預申上司或堂官者或覓使人順齋或發報馬順稍仍探聽有本管官在京必須候見迎送但上下交接之初切不可送禮希圖迎合。

一選後遇前官或本處士夫及鄰封遊宦者須細問民風吏弊因訪以前仕宦者某以何事有聲某以何故掛議可爲法戒

一臨行赴任。有親友餽送。及祖餞者。雖事繁冗。切不可便生厭惡。使親友大無顏色。若在仕途。有蹈此病。最易招尤。

一在京有夫馬迎接。卽留用。不妨若時禁方嚴。切不可遣牌。恐驛棍抄入循環。不但冒破官錢。亦于官箴有玷。若乞用勘合。應付須嚴禁。僕從生事。其害不小。

新任預諭衙役單

新選某府某縣正堂某姓爲公務事。照得本縣叨膺

新命除授某邑擬于某月某日辭

陞出都凡一切應行事宜。合行諭知。爲此諭六房吏書併各役人

等知悉。遵將司道府廳各上司稟啓禮房照單。逐一星馳投

遞如舊例。尚有應具稟啓單內未備者。該房具稿稟呈兩衙填

寫補投所有里役賦役各全書總制冊并奉裁款日及儀注憲
綱等冊縣誌書堂規稿各年錢糧逐都圖完欠冊各房須知文
冊俱應頭接吏書實馳中途送閱其衙宇器皿照常修備不許
藉此科派里中一應夫馬悉照舊規不得遠迎以滋煩跋至于
錢糧交盤冊籍上開國課下切民瘼尤宜清楚起解者務獲
批迴支給者惟憑領狀徵收完欠查覈流水須要分明銷算總
撒相符除另票行令造報外其餘未盡事宜各預爲料理毋得
臨期違悞本縣賦性硥執言出真切法在必行各宜恪遵特諭

諭帖式

新任

某

府

某

縣正堂

某

姓爲公務事照得本縣擇於

某

月

某

日

出京由

陸

路上任迎接書吏各役俱在

某

處伺候不許遠迎上

任日期另行知會。來役不得僱替。執事務要簡明。衙門應各修整。必須精潔。勿得太侈。六房科職掌事宜。須知冊。吏房吏先行賁投查閱。毋得違錯。取究須至諭者。

右諭六房吏書准此

年 月 日 行

限按臨日繳

牌式

新任 某省某府某縣 正堂 某 姓為公務事照得本縣的于 某 月

某日 時上任應用夫馬。合先遣牌知會為此仰役前去着落

兵房各該吏書照依開後夫馬轎項名數一一遵行毋得違悞取究未便須至票者

計開

大轎幾乘

中轎幾乘

小轎幾乘

坐馬幾匹

擯架幾副

棕套幾件

其餘舖兵吹手傘夫皂隸執事各役等項悉照舊例俱於
某處伺候

右仰兵房吏書准此

年月日行

定限上任日繳

寫諭帖封筒式

除新任一行宜大書餘照常字樣

正右

仰

封

新任

某府某

縣正堂

某

封

筒

面

本縣吏書門皂等役開折

背

式 康熙^某年^某月^某日^某處發行

面

寫諭帖法

凡寫諭帖宜用白全柬或用紅單。若不寫硃語後面止用^某月^某日若有硃語後面當書年月日。如票只用白紙一張書之不得概用白全寫法亦異。

稟帖式

新選^某縣知縣^某謹稟^{卑職}猥以庸材。謬叨重寄。百凡事體。並

無知識。仰冀 台臺指南近奉 台批遣役遠來感激殊深^卑

職謹擇^某月^某日到任役旋先合具稟伏乞 台慈照答感激

無涯。須至稟者。

起馬牌式

新任

某府某

縣正堂爲公務事。照得本縣

某

月

某

日吉時上任

合遣牌知會爲此仰本役前去。着仰兵禮工庫等房并屬驛知悉。查照舊規。各將新任合辦事宜火速齊備。毋得臨岐遲悞。經管庫役人等。不許擅離迎接。須至牌者。

右牌仰吏兵等房并屬驛衙門准此

仰工房查照舊規。速將私衙等處上用頂桶下用地板或竹簾上緊修完。宜用家伙。一一齊備。具冊開送。以憑查點。其牆垣多加棘茨。轉斗及放水之處。俱行密固。不留罅隙。以便內外封鎖。毋得遲悞。須至票者。

右仰工房該吏准此

仰禮房知悉本縣到任日除辦祭門猪羊牲醴外再辦三牲酒菓二副內一副候本縣升堂事畢致祭本縣土地祠一副送內衙祭竈其發來祭文抄錄轉發禮生候用俱毋違錯須票

右仰禮房該吏准此

凡選出候命下謝恩後方發本縣諭帖併各上司稟啓大啓用伏以起小啓用恭惟起其諭帖有三次諭者有兩次諭者不拘如有三次諭者當于謝恩後發第一次諭擇吉起馬時發第二次諭中途擇吉上任時發第三次諭惟第一次諭用硃語餘不必

附祭儀門祝文式

惟邑有門惟門有神何以名儀有典有倫門內者令門外者民

門之左右鬼蜮爲鄰虎視犬噬耽耽信信哀哉黔首履薄臨深
惟神司之有赫伊烈毋鬱覆盆毋長叢竊毋爲狐城毋爲虎窟
勿怪勿隊君子是式如砥如矢斯民孔直信官某謬司茲邑舍
棹問津令之不端神其顯飭尚饗

附祭城隍祝文式

惟神之靈炳古麟今聰明正直民社攸憑埋陰治陽福善禍淫
是是非非赫赫明明勿曰無見相在爾室勿曰無聞亦式亦臨
哀我憚人兵荒游至家室靡寧神之庇兮粒子蒸民聿有三載
萬室告成家給人足饑寒不侵聿臻康阜旋樂昇平所虞田疇
開闢未盡爰有鬻序以棘以荆相彼先哲表表人寰文章德業
誰其嗣音某猥以菲材濫竽端城操刀捫指製錦未能自磨

新命戰戰兢兢。若涉大川。若浮巨津。念自成童。一腔忠誠。起衰
濟弱。致君澤民。豈其絲仕渝予素心。是用勤毖。夙夜惟寅。敬涓
今吉齋戒受事。矢志清白。克勤克儉。上報 天子。下攄生平。惟
神有靈。鑒茲斐忱。若啓若翼。一德一心。相助爲理。保佑是申。民
懷吏畏。訟簡刑清。家絃戶誦。禮具樂成。四郊無壘。雞犬不驚。雨
暘時若。天施地生。人稱父母。國號神君。一尊拜告。明德惟馨。虔
告。

六房須知

一上任時。分付吏房。要憲綱冊。令開具各房吏總幾名。緣事者
幾名。下憂者幾名。缺吏幾名。所屬官吏幾名。書手幾名。以便
查擬。

一戶房。令具各項錢糧若干。見徵若干。拖欠若干。已解若干。貯庫若干。各冊送查。

一禮房。令送儀注須知。凡朝賀謁聖祭祀。見上司并同僚鄉紳。各交接禮數。逐件註明。無許遺漏。

一兵房。令具門皂快手各役若干。夫馬若干。支應驛地錢糧若干。一一造冊送閱。

一刑房。令具監簿一扇。見在重囚幾名。已經審幾名。未經審幾名。有無保候在外。擇謹慎吏宿監。每日早堂。令同禁子遞簿。不致疎虞。結狀。

一工房。令查軍需若干。察院公館棹椅牀帳鋪陳器皿什物等件。各具數目。置牌逐件登記。懸于各衙門。責令門夫看守。不

留書新集
卷十八
致遺失換抵

入境

新官赴任或先一日。或三日。由吉門至城隍廟齋戒安歇。謂之宿。三次日五更上任。俱依禮房儀注施行。但各處風俗不同。不可專執。

新官入境。乃士民觀聽之始。凡百舉動。不可不慎。離城三舍。擇公廨。或寺宇。停泊。着落兵吏整祇候禮。吏整禮儀。開具上任。叅謁先後次第。以便臨時酬答。并問上任舊規。接入常禮。預爲斟酌行之。隨令灑掃。合應祭神宇。會請在縣應禮諸神。備祭儀。以候謁告。其祭品。皆從署印官。于無礙官銀處辦。不必計其豐約。看過儀注。預戒禮生。舉行如禮。上任先一日。清

晨首領官率領各房吏典并各屬官生員人等迎接入城至城隍廟宰牲所齋宿務竭誠敬無會僚案喧飲失儀次早行祭其祭文必須親裁以不賄自誓庶堅初心且有感格祭時止用便服或用祭服亦可獻爵讀祝皆行跪禮是日仍令兵吏戒諭諸人勿令喧嚷不必多張彩旗鼓樂方向雖不必拘忌亦不宜先執已見以違民心其有違悞者未可遽行杖責一先一日行香須宿城隍廟次早進祭禮畢穿紅衣進縣祭儀門更衣向北闕拜仍穿紅衣送禮生下月臺之左卽升公座排衙畢畫卯先主簿後縣丞後正堂俱要拱手舉筆畫卯六房吏畫卯押完于簿上大判一日字然後典史相見行跪禮卽下公座各僚相揖散堂回衙要依本縣議注而行